



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,*
QUODLIBETARIIS DISPUTATIONIBUS,
manè discutienda in Scholis Medicorum, die Jovis tertiâ
mensis Martii, anno Domini M. DCC. LXXIV.

M. Carolo DIONIS, Chirurgiæ Gallico idiomate Professor²,
Doctore Medico, Præside.

An Herniæ inguinali cum adhæsiōne, Subligaculum nocet?



IRA profectò corporis humani structura? quàm tamen in ipsâ naturali partium conformatiōe nonnihil imperfectum sit, corpus sit ægritudinibus obnoxium. Exterior *Peritonæi* portio naturâ suâ in inguina producitur, atque Abdominis musculis, in quibusdam sui regionibus minis fulcitur; obliqui descendentes, quasi annulos exhibent versus inguina: ascendentes, veluti arcus effingunt: transversi, molles tantùm limites sunt: recti verò sejunguntur ad umbilicum, quo perforatur linea alba.

* Auctore M. MALOUIN, anno 1742.



Aliquando relaxantur hæ partes ; aut ipsis infertur vehementior vis ; vel ab aliquo corpori conatu , vel à nimia opimatum alvi partium mole ; unde , nonnunquam Omentum , sæpè Intestinum , demùm utrumque ; extra abdomen exitum perpetuo molientia , utpote summè mobilia , ad inguina exiliunt ; vel quàm interna ipsa *piritonæi* lamella transilit suos limites , vel quàm rumpitur ; atque ibi reperiã viã , paulatim ab inguinibus in scrotum demittuntur ; unde hernia enascitur. Dirum sanè morbi genus , ac vulgare ! Cui levando proficit subligaculum firmundis partibus continendisque , dummodò hospitalibus in suis sedibus , hæ repositæ sint ; alias noceret.

II.

NATURA , quantumvis potens , ærumnas patitur suas , & aliquando deficit : deficienti succurrere ars operosa nititur. Alvinis visceribus cohibendis , quasi totidem sunt fasciæ molles , abdominis muscoli , qui a munere si desciscant suo , cingulis habilibus ad hernias coercendas lumbi redimiuntur. Hæc ita corpus circumcingunt subligacula , ut ab eã parte quæ herniæ locum pertingit , tenero infernantur pulvino , ita confecto , ut ipso adnitente , foramen ramicis obturent.

Quàm sedulò autem vitari debeat partium herniam constitutum compressio ; vix dici potest ; nunquàm hæc in te satis magna sit Medici cautio. Molles scilicet hæ partes subligaculi globulo facilè vellicantur , contundunturque ; unde inflammatio , strangulatus , iliaca affectio , gangræna , cita mors.

III.

VEL omenti , intestini , vel utriusque extra abdomen prolapsus , res mala : si fit cum adhæsiõne , pessima. Sæpe autem in herniã adhæret omentum , sæpius intestinum ; simul etiam non rarò fit sacci herniosi adhæsiõ , vel in arcubus musculorum abdominis , vel in seroto tunicæ *vaginali* , gravatæ occalenti partes. Hæ si sic adhærentes extra abdomen lubricæ partes , inuociles reductionem pati , devias pertinaciter affectant sedes , atque in alvum nullã arte reponi possunt , nisi præsentè adhuc inflammatione , in morbi initio , quo tempore quidem adhæsiõ simul cum inflammatione , resolutivis externè applicatis , & diluentibus internè sumptis , solvi potest ; aliàs , ipsam avellere non potes , nisi dissecentur ramicosæ partes simul adhærentes ; quod propter innumera damna quæ istud medendi genus necessariò sequuntur , temere suscipias.

PARTES externâ vi divulsas, iterum jungere, Naturæ opus mirabile; at partes naturâ suâ sejunctas conglutinare, mirabilius. Diverſa corporis partes, ut intestinum & omentum in sacco hernioso: saccus herniosus ipse, & tunica vaginalis in scroto, proximè si se tangerent, invicem adhærescere possunt, sicut rami arborum se propius contingentes, simul aliquando coalescunt. Hoc autem in arboribus non fit, nisi prius e uta fuerit exterior ipsarum pellicula; tunc enim, ejus, quæ subest, partis herbacæ tubuli tubulis applicantur; & commune ramis alimentum invehunt. Eâdem ratione, diversæ corporis animati partes, etsi contingere sint, non possunt tamen simul coalescere, nisi prius extima earum dehata fuerit cuticula; quâ quidem avulsâ se mutuo osculantur vasa, & suos inter se liquores communicant; atque hujus vulnerationis sanatio, partium adhæSIONem perficit.

Intimo ex abdomine lapsus, sive omenti, sive intestini difficili excremento tumētis inflammationem vel levissimâ de causâ accersit: inflammatae partes succis lentis turgidæ, humorem spissum subalbidumque exudant qui sæpe pro Pure perperam habetur. Humore isto conglutinantur partes inflammatae, atque diutius durante inflammatione, acris-urinosi fit; & deinde alkalicus, partium inflammatarum cuticulam corrodit & absumit. Eheu: quanti hinc sequuntur dolores! quantas hoc edit strages! quanta movet funera.

V.

QUO efficacius aliquod in Medicinâ remedium est, eò, si perperam adhibeatur, plus importat mali. Subligaculum in herniis maximum est adjumentum; intempestivè admotum, plurima infert incommoda; partes in abdomine non repositas, ubi comprimit, graviter nocet: reponi autem non possunt; quàm simul adhærescunt.

Non tamen semper eadem est, sed interdum diversa medendi ratio; sic in aliquibus observatum fuit, maximè obesis, *epiplocele* cum adhæSIONe, subligaculo non-nihil sanitatem fuisse, quia omentum in compressionis puncto, ita exile temporis lapsu factum est, ut dilatati annuli sese in integrum ferè restituerint, dum supra & infra tumidum absque molestiâ erat omentum. Sæpe etiam quàm omentum vastius tumens retro compelli non potest, quanquàm maxime parentes sint annuli, digitis leniter versùs Penem amovetur omentum, atque ita collatum, ut propè, versùs crus imponatur subligaculi pulvinus, omentum non comprimens, sed impediens ne simul exiliat intestinum.

Interdum quoque evenit, ut & intestinum, & omentum, adhærentia sacco her-

niso qui liberè pendulus erat in scroto, absque adhæsione tunicae vaginali, sensim reducta fuerint in abdomen retinaculo cavo, quod potius ad *suspensorii* continentis, quam ad subligaculi comprimentis speciem accedit. Antequàm autem hanc tentet reductionem Medicus providus auspex, clysteribus intestina vacuari præcipit, atque diuturnâ ciborum abstinentiâ sanguinisque copiosâ inissione exonerari curat vasa, quæ varicosa sunt in parte ejus herniæ extimâ; extima autem hæc pars in alvum reducta, intima fit; hæcque ratione, fortiter comprimuntur dilatata hæc vasa; unde, nisi prius vacuata sint, oriuntur atroces colici dolores, & acerbæ iliacæ affectiones; ad quæ quidem sedanda, hernia revocanda est; quod ipse observavi.

Ex his omnibus, non dubitamus asserere generatim suspensoria adhibenda esse in herniis cum adhæsione, in quibus comprimentia subligula exitiosos producent effectus.

Ergò Herniæ inguinali cum adhæsione, Subligaculum nocet.

DOMINI DOCTORES DISPUTATURI.

M. Joannes Stanislaus MITTÉ, Regiæ scientiarum & Litterarum Nancei Academiæ socius, necnon Stanislai I. Poloniarum regis, olim, Medicus ordinarius.

M. Josephus PHILIP.

M. Simon Antouius BRINGAUD.

M. Carolus Ludovicus Franciscus ANDRY,

M. Joannes D'ARCET.

M. Claudius Josephus GENTIL, Militarium Nosocomiorum ad Regis exercitum Medicus.

M. Joannes Baptista Alexander MAIGRET.

M. Franciscus THIERY DE BUSSY, Consiliarius Medicus Regis ordinarius in Supremo senatu Parisensi.

M. Edmundus Thomas MOREAU, Scholarum Professor designatus.

Proponebat Parisiis JOANNES-BAPTISTA Baigneres, Parisinus; Doctor Medicus Montpelienfis, necnon Saluberrimæ Facultatis Medicinæ Parisiensis Baccalaureus, A. R. S. H. 1774. à sextâ ad meridiem.

Typis QUILLAU, Saluberrimæ Facultatis Medicinæ Typographi.